



Broj: 02-41-11111/19
Lukavac, 08.10.2019. godine

INFORMACIJA O OSTVARIVANJU PRAVA IZ OBLASTI BORAČKO-INVALIDSKE ZAŠTITE U 2018. GODINI

Predlagač: Općinski načelnik

Razmatra: Općinsko vijeće

Obrađivač: Služba za upravu, društvene djelatnosti, mlade i boračko-invalidsku zaštitu

Strana 1 od 9



ISO 9001:2015
No. 308550 QM15

Općina Lukavac - Općinski Načelnik, Trg slobode 1, 75300 Lukavac
www.lukavac.ba, e-mail: kabinet-nacelnika@lukavac.ba
Tel. +387 35 366 700, fax: +387 35 366 703



ISO 9001:2015
No. 308550 QM15

INFORMACIJA
O OSTVARIVANJU PRAVA IZ OBLASTI BORAČKO-INVALIDSKE ZAŠTITE
U 2018. GODINI

I. UVOD

U okviru Službe za upravu, društvene djelatnosti, mlade i boračko – invalidsku zaštitu općine Lukavac djeluje Odsjek za boračko-invalidsku zaštitu.

U svom radu, Odsjek primjenjuje Zakon o osnovnim pravima branilaca i članova njihovih porodica („Službene novine FBiH“, broj: 33/04, 56/05, 70/07 i 9/10), Zakon o dopunskim pravima branilaca i članova njihovih porodica („Službene novine TK“, broj: 5/12 i 5/14), Zakon o posebnim pravima dobitnika ratnih priznanja i odlikovanja i članova njihovih porodica („Službene novine FBiH“, broj: 70/05), Zakon o upravnom postupku („Službene novine FBiH“, broj: 2/98 i 48/99) i Zakon o provođenju kontrole zakonitosti korištenja prava iz oblasti boračko – invalidske zaštite („Službene novine FBiH“, broj: 82/09), kao i Pravilnike, Instrukcije i Uputstva federalnog i kantonalnog ministarstva za boračko-invalidsku zaštitu, te Pravilnike koje je u okviru svoje nadležnosti donio Općinski načelnik.

Poslovi Odsjeka za boračko – invalidsku zaštitu mogu se prema zakonima o boračko-invalidskoj zaštiti svrstati u dvije grupe:

- a) poslovi iz oblasti osnovnih prava branilaca i članova njihovih porodica i
- b) poslovi iz oblasti dopunskih prava branilaca i članova njihovih porodica.

U prvom redu, u ovoj Informaciji bit će izneseni podaci vezani za ostvarivanje prava iz oblasti osnovnih, zatim iz oblasti dopunskih prava branilaca i članova njihovih porodica, te na kraju podaci koji se odnose na ostvarivanje prava branilaca i članova njihovih porodica iz budžeta općine Lukavac za 2018. godinu.

II. OSTVARIVANJE PRAVA IZ OBLASTI OSNOVNIH PRAVA BRANILACA I ČLANOVA NJIHOVIH PORODICA

Ostvarivanja prava iz oblasti osnovnih prava boraca i članova njihovih porodica se uglavnom odnose na ostvarivanje prava na porodičnu invalidninu i prava na ličnu invalidninu.

ODJELJAK A. PORODIČNA INVALIDNINA

Pravo na porodičnu invalidninu putem Službe za upravu, društvene djelatnosti, mlade i boračko-invalidske zaštite općine Lukavac (u daljem tekstu: Služba) ostvaruju članovi porodica šehida-poginulih boraca sa područja općine Lukavac i članovi porodica šehida-poginulih boraca iz većeg broja podrinskih općina, kao što su: Srebrenica, Vlasenica, Bratunac, Zvornik i druge.

Tokom 2018. godine, Služba je u ovoj oblasti ukupno donijela 157 rješenja, i to:

- a) 51 rješenje po službenoj dužnosti, kod redovnog školovanja/studiranja djece šehida-poginulih boraca,
- b) 20 rješenja po zahtjevu stranke,
- c) 14 rješenja zbog izmjene podataka sauživaoca prava,
- d) 40 rješenja po službenoj dužnosti u slučaju smrti korisnika porodične invalidnine i
- e) 23 spisa predmeta preseljenja u drugu općinu.
- f) 9 rješenja o nadoknadi štete i 9 zapisnika.

Sva naprijed navedena rješenja prošla su postupak revizije koju vrši kantonalno ili federalno ministarstvo nadležno za poslove boračko-invalidske zaštite.

Kantonalno ministarstvo za boračko-invalidsku zaštitu (u daljem tekstu: kantonalno ministarstvo) odlučuje po žalbi izjavljenoj protiv rješenja nadležne općinske službe donesenog u

prvom stepenu, dok po žalbi izjavljenoj protiv rješenja Ministarstva donesenog u prvom stepenu rješava Komisija za drugostepeno upravno rješavanje Vlade Kantona.

Na dan 31.12.2018. godine ukupan broj korisnika porodične invalidnine, koji svoja prava ostvaruju putem ove Službe, iznosio je 919 korisnika.

Ukupan broj starih korisnika boračko-invalidske zaštite, koji su pravo na porodičnu invalidninu ostvarili po zakonima koji su tretirali učesnike NOAR-a 1941. – 1945. godine na dan 31.12.2018. godine iznosio je 7 korisnika.

Tokom 2018. Godine, po zahtjevu stranaka, kompletirana su i u druge općine preseljena 23 spisa predmeta porodične invalidnine.

Na dan 31.12.2018. godine iz oblasti porodične invalidnine bio je neriješen 1 predmet.

Treba naglasiti da je tokom cijele 2018. godine vršen postupak revizije korisnika boračko – invalidske zaštite.

ODJELJAK B. LIČNA INVALIDNINA

Pravo na ličnu invalidninu putem Službe ostvaruju ratni vojni invalidi sa područja općine Lukavac i ratni vojni invalidi sa područja više općina Istočne Bosne.

Tokom 2018. godine nakon provedenog posebnog ispitnog postupka ukupno je doneseno 5 rješenja o odbijanju zahtjeva za priznavanje prava na ličnu invalidninu, 4 rješenja po osnovu uvećanog procenta invalidnosti (3 zahtjeva za UPI odbijena i 1 priznat) po odredbama Zakona o osnovnim pravima branilaca i članova njihovih porodica. Urađeno je 16 rješenja o prestanku prava korisnika na ličnu invalidninu, a prema odredbama Zakona o provođenju kontrole zakonitosti korištenja prava iz oblasti boračko – invalidske zaštite pripremljena su i obrađena 44 predmeta lične invalidnine.

Treba naglasiti da je tokom cijele 2018. godine vršen dvofazni postupak revizije korisnika boračko – invalidske zaštite koji se sastoji u tome da je prvo vršena kontrola uvjerenja o okolnostima ranjavanja, povređivanja i oboljenja, a potom su kompletni spisi predmeta po uputama federalnog ministarstva poslani u Sarajevo na Institut za medicinsko vještačenje radi utvrđivanja procenta invalidnosti.

U toku ovog postupka revizije ratni vojni invalidi su od strane ovog Instituta pozivani radi utvrđivanja stepena invaliditeta.

U slučaju da se isti ne pojave u roku od 30 dana od pozivanja, federalno ministarstvo donosi rješenje o prestanku prava na ličnu invalidninu, odnosno rješenje o prestanku svojstva ratnog vojnog invalida.

Prvu fazu revizije do 31.12.2018. godine prošla su 44 korisnika boračko – invalidske zaštite, odnosno svi ratni vojni invalidi koji svoja prava ostvaruju putem ove Službe.

FMB – 2 je obrazac koji izdaje Odjel odbrane na osnovu naloga revizionog tima i isti se dostavlja Službi, koja prema Instrukciji federalnog ministarstva ima obavezu da vrši obustavu isplate lične invalidnine do okončanja postupka.

Kompletnu fazu revizije zaključno sa 31.12.2018. godine prošla su 44 korisnika lične invalidnine.

Ukupan broj ratnih vojnih invalida, koji svoja prava ostvaruju putem Službe na dan 31.12.2018. godine iznosi 504 korisnika i 18 dobitnika ratnih priznanja i odlikovanja.

Na dan 31.12.2018. godine ima ukupno 6 mirnodopskih vojnih invalida koji su ostvarili pravo na ličnu invalidninu.

Mirnodopski vojni invalidi su lica koja su status vojnog invalida stekla služeći vojni rok u bivšoj JNA prije početka odbrambeno – oslobodilačkog rata 1992. – 1995. godina ili služeći u ARBiH nakon završetka odbrambeno – oslobodilačkog rata 1992. – 1995. godina.

Ukupno korisnika koji ostvaruju prava putem ove Službe iznosi 528.

Na dan 31.12.2018. godine bila su 2 neriješena predmeta iz oblasti ostvarivanja prava na ličnu invalidninu.

Na kraju, treba istaći još jedan veoma važan podatak koji se odnosi na visinu boračke prinadležnosti, koja se po osnovu ostvarivanja prava na porodičnu i ličnu invalidninu putem Službe isplaćuje korisnicima porodične i lične invalidnine.

Naime, svaki mjesec se nakon izvršenog obračuna prema koeficijentu koji utvrdi federalno ministarstvo vrši isplata boračkih prinadležnosti – porodične invalidnine i lične invalidnine.

Visina boračkih prinadležnosti u 2018. godini prikazana je u slijedećoj tabeli:

Mjesec	Lična invalidnina	Porodična invalidnina	Ukupno u KM
Januar 2018.	115.098,33	354.308,03	469.406,36
Februar 2018.	115.098,33	354.517,36	469.406,69
Mart 2018.	119.786,11	353.202,71	472.988,82
April 2018.	125.937,47	373.239,66	499.177,13
Maj 2018.	120.729,37	355.057,20	475.786,57
Juni 2018.	123.090,10	353.922,55	477.012,65
Juli 2018.	123.090,11	351.177,30	474.267,41
Avgust 2018.	123.047,60	348.742,29	471.789,89
Septembar 2018.	122.588,63	347.735,14	470.323,77
Oktoibar 2018.	122.279,68	341.420,26	463.699,94
Novembar 2018.	131.667,85	340.723,32	472.381,17
Decembar 2018.	128.865,15	344.280,29	473.145,44
UKUPNO	1.471.278,73	4.218.326,11	5.689.604,84

REZIME:

U OBLASTI OSNOVNIH PRAVA BRANILACA I ČLANOVA NJIHOVIH PORODICA TOKOM 2018. GODINE DONESENO JE UKUPNO 106 RJEŠENJA, KOJA SU PROŠLA POSTUPAK REVIZIJE OD STRANE MINISTARSTAVA NADLEŽNIH ZA BORAČKO-INVALIDSKU ZAŠTITU.

U skladu sa aktom Ministarstva za boračka pitanja Tuzla od 14.12.2017. godine, Procedurom za obezbjeđenje efikasnosti u poslovima evidencije i kontrole budžetskih sredstava po osnovu povrata uplaćenih naknada za invalidnine i ratna priznanja od korisnika porodične i lične invalidnine dostavljeno je ovoj službi 1079 potvrda o životu, Izvoda iz matične knjige rođenih i ovjerenih fotokopija korisnika, te je sve uloženo u spise predmeta korisnika boračko-invalidske zaštite.

III. OSTVARIVANJE PRAVA IZ OBLASTI DOPUNSKIH PRAVA BRANILACA I ČLANOVA NJIHOVIH PORODICA

ODJELJAK A. STAMBENO ZBRINJAVANJE

Shodno Programu korištenja bespovratnih novčanih sredstava za stambeno zbrinjavanje socijalno-stambeno najugroženijih branilaca na području Tuzlanskog kantona objavljen je Javni poziv na koji se prijavilo 238 pripadnika boračke populacije.

Nakon provedene procedure, finansijska sredstva za pomoć u rješavanju stambenih potreba socijalno-stambeno najugroženijih branilaca, za 19 aplikacija odobrena su ukupna sredstva u iznosu od 61.128,61 KM.

Dana 24.12.2018. godine Ministarstvo za boračka pitanja TK je potpisalo ugovore sa korisnicima ovih sredstava.

ODJELJAK B. JEDNOKRATNE NOVČANE POMOĆI

Pravo na jednokratnu novčanu pomoć imaju branilci i članovi njihovih porodica čija primanja ne prelaze 12% od prosječne plate u Federaciji po članu domaćinstva.

Po prijemu zahtjeva, Služba sačinjava socijalnu anamnezu i kompletan spis predmeta prosljeđuje kantonalnom ministarstvu, a nakon što se jednokratna novčana pomoć odobri ili ne odobri, spis predmeta se vraća u Službu koja na osnovu Odluke kantonalnog ministarstva donosi rješenje o odobravanju ili neodobravanju jednokratne novčane pomoći, koje se dostavlja podnosiocu zahtjeva, a nakon protoka vremena za žalbu ovjerava se pravosnažnost, pa se tek onda rješenje kojim je odobrena pomoć upućuje u Službu za budžet i finansije općine Lukavac na isplatu.

Služba za budžet i finansije općine Lukavac, nakon što se iz budžeta Tuzlanskog kantona doznače sredstva za krajnjeg korisnika, istom vrši isplatu.

Jednokratna novčana pomoć je odobrena za 365 podnosilaca zahtjeva u ukupnom iznosu od 51.200,00 KM.

Osim toga, doneseno je i 36 rješenja o odbijanju prava na jednokratnu novčanu pomoć.

ODJELJAK C. JEDNOKRATNE NOVČANE POMOĆI ZA LIJEČENJE BRANILACA I ČLANOVA NJIHOVIH PORODICA

Jednokratne novčane pomoći za liječenje imaju pravo branioci i članovi njihovih porodica u slučaju liječenja teških oboljenja i u slučaju potrebe liječenja u inostranstvu.

Tokom 2018. godine putem Službe ovakav vid pomoći odobren je za 86 podnosilaca zahtjeva, dok su ukupno odbijena 82 zahtjeva.

Tokom 2018. godine iz budžeta TK je na ime jednokratnih novčanih pomoći za liječenje odobreno ukupno 40.250,00 KM.

ODJELJAK D. JEDNOKRATNE NOVČANE POMOĆI ZA NABAVKU UDŽBENIKA

Pravo na jednokratnu novčanu pomoć za nabavku udžbenika imaju pripadnici boračke populacije čija primanja nisu veća od 15% od prosječne plate po članu domaćinstva i čija djeca pohađaju osnovnu školu.

Ukupno su podnesena 44 zahtjeva za JNP-nabavka udžbenika u 2018. godini, od čega je 16 zahtjeva nepotpuno, a 5 odbijeno.

Od strane kantonalnog ministarstva ukupno je za 23 podnosioca zahtjeva odobrena finansijska pomoć u iznosu od 3.655,00 KM.

ODJELJAK E. JEDNOKRATNE NOVČANE POMOĆI U SLUČAJU SMRTI BRANILACA I ČLANOVA NJIHOVIH PORODICA

Stupanjem na snagu novog Zakona o dopunskim pravima branilaca i članova njihovih porodica nadležnost po ovom pravu je od 01.06.2007. godine prešla na kantonalno ministarstvo.

Ovo pravo imaju porodice umrlih demobilisanih boraca, umrlih ratnih vojnih invalida, umrlih članova porodica šehida-poginulih boraca i umrlih učesnika NOAR-a 1941-1945 godina, koji su bili nosioci Partizanske spomenice 1941. godine.

U slučaju smrti ratnog vojnog invalida čija supruga naslijedi pravo na porodičnu invalidninu, novčana pomoć za troškove dženaze/sahrane odobrava se od strane federalnog ministarstva.

Tokom 2018. godine ukupno je doneseno 61 rješenje (2 rješenja o odbijanju zahtjeva, od jednog zahtjeva stranka odustala) o odobravanju novčane pomoći za troškove dženaze/sahrane.

Zaključno sa 31.12.2018. godine jednokratne novčane pomoći u slučaju smrti branilaca i članova njihovih porodica su odobrene za 64 podnosioca zahtjeva u iznosu od 31.743,60 KM.

ODJELJAK F. JEDNOKRATNA NOVČANA POMOĆ DOBITNICIMA NAJVIŠIH RATNIH PRIZNANJA I ODLIKOVANJA

Pravo na jednokratnu novčanu pomoć jednokratno u toku godine ima 18 dobitnika/podnosioca priznanja i odlikovanja, kao što su dobitnici zlatnog ljiljana, dobitnici zlatne policijske značke, dobitnici srebrenog štita i dobitnici medalje za hrabrost, na osnovu rješenja kojeg zbirno donosi kantonalno ministarstvo.

Ukupna izdvajanja iz budžeta Tuzlanskog kantona u 2018. godini po ovom osnovu iznosila su 8.695,00 KM.

ODJELJAK G. PRAVO NA NAKNADU ZA PODIGNUTE NIŠANE – NADGROBNE SPOMENIKE

U 2018. godini nije bilo zahtjeva za podizanje nišana- nadgrobnih spomenika.

ODJELJAK H. PRAVO NA SANITETSKI MATERIJAL

Pravo na sanitetski materijal tokom 2018. godine ostvario je jedan ratni vojni invalid 100 % I grupe na osnovu rješenja koje je donijela Služba.

ODJELJAK I. PRAVO NA ZDRAVSTVENO OSIGURANJE

Pravo na zdravstveno osiguranje putem Službe imaju branioci i članovi njihovih porodica koji nisu osigurani po nekom drugom osnovu i koji radni odnos nisu prekinuli svojom krivicom.

Tokom 2018. godine ukupno je doneseno 31 rješenje, od čega 6 rješenja o priznavanju prava na zdravstveno osiguranje, 23 rješenja o prestanku prava na zdravstveno osiguranje i 2 odbijena zahtjeva.

Na dan 31.12.2018. godine putem Službe zdravstveno je osigurano 199 lica.

Osim toga, postoji i pravo na besplatne premije zdravstvenog osiguranja Zavoda za zdravstveno osiguranje Tuzlanskog kantona.

Ovo pravo ostvarili su nezaposleni demobilisani borci i nezaposleni članovi njihovih porodica, kao i djeca koja se nalaze na redovnom školovanju/studiranju do navršene 25. godine života, ratni vojni invalidi i nezaposleni članovi njihovih porodica i djeca, koja se nalaze na redovnom školovanju/studiranju do navršene 25. godine života, članovi porodica šehida – poginulih boraca kojima je to pravo priznato pravosnažnim rješenjem i djeca šehida-poginulih boraca koja se ne nalaze na redovnom školovanju/studiranju do navršene 25. godine života i dobitnici najviših ratnih priznanja i odlikovanja i nezaposleni članovi njihovih porodica i djeca koja se nalaze na redovnom školovanju/studiranju do navršene 25. godine života.

U narednoj tabeli je prikazan broj korisnika koji su u 2018. godini ostvarili pravo na premiju zdravstvenog osiguranja, kako slijedi:

Redni broj	Boračka kategorija	Broj markica
1.	Porodice šehida-poginulih boraca i djeca šehida-poginulih boraca	754
2.	Ratni vojni invalidi i članovi njihovih porodica	535
3.	Demobilisani borci i članovi njihovih porodica	89
4.	Dobitnici najviših ratnih priznanja i odlikovanja i članovi njihovih porodica	13
	UKUPNO	1391

ODJELJAK J. PRAVO NA ORTOPEDSKO POMAGALO

Pravo na ortopedsko pomagalo imaju ratni vojni invalidi kojima je to rješenjem priznato.

Sama procedura ostvarivanja prava svodi se na to da ratni vojni invalid, nakon prikupljene potrebne dokumentacije, podnese zahtjev Službi koja donosi rješenje o priznavanju prava i isto prosljeđuje kantonalnom ministarstvu na upravni nadzor i na ovjeru potvrde na osnovu koje ratni vojni invalid u odgovarajućoj kompaniji za izradu pomagala vrši nabavku pomagala.

Služba je tokom 2018. godine donijela ukupno 110 rješenja o priznavanju prava na ortopedsko pomagalo.

ODJELJAK K. PRAVO NA BANJSKO-KLIMATSKO LIJEČENJE

Pravo na banjsko-klimatsko liječenje imaju ratni vojni invalidi i dobitnici najviših ratnih priznanja i odlikovanja.

Procedura za ostvarivanje prava se svodi na to da nakon podnesenog zahtjeva Služba isti obradi i prosljeđuje kantonalnom ministarstvu na odobravanje, a kada se Odlukom liječenje odobri, Služba donosi rješenje o upućivanju podnosioca zahtjeva na banjsko-klimatsko liječenje.

Tokom 2018. godine doneseno je 28 rješenja o ostvarivanju ovog prava.

ODJELJAK L. PRAVO NA NABAVKU LIJEKOVA

Pravo na nabavku lijekova putem kantonalnog ministarstva imaju ratni vojni invalidi kojima je Služba rješenjem uspostavila pravo na isto.

Pravo se stiče u slučaju potrebe liječenja rana, ozljeda ili povreda i oboljenja na osnovu čega je stečeno pravo na status ratnog vojnog invalida.

Oni ratni vojni invalidi koji ostvare ovo pravo, imaju za svaki mjesec, od trenutka sticanja ovog prava, da podnesu zahtjev za nabavku lijekova i da im se od strane kantonalnog ministarstva odobre novčana sredstva za nabavku lijekova koja se direktno uplaćuju onim apotekama gdje je ratni vojni invalid nabavio/kupio lijek.

Ovo pravo, tokom 2018. godine, ostvarilo je 39 ratnih vojnih invalida.

ODJELJAK M. PRAVO NA TROŠKOVE PRIJEVOZA U SLUČAJU LIJEČENJA

Pravo na priznavanje troškova prijevoza u slučaju liječenja imaju ratni vojni invalidi i dobitnici najviših ratnih priznanja i odlikovanja.

Procedura za ostvarivanje prava se svodi na to da gore navedeni podnose zahtjev Službi koja donosi rješenje o ostvarivanju prava, a zatim isti upućuje kantonalnom ministarstvu na upravni nadzor.

Po okončanju ovog nadzora, kantonalno ministarstvo donosi rješenje o visini odobrenih sredstava.

Tokom 2018. godine ovo pravo je odobreno za 1 podnosioca zahtjeva u iznosu od 71,04KM.

ODJELJAK N. DODJELA STIPENDIJA

Zahtjevi su se na objavljeni Javni poziv kantonalnog ministarstva za dodjelu stipendija redovnim učenicima i studentima u školskoj 2017/2018 godini podnosili direktno u centralnu pisarnicu Ministarstva ili putem pošte, tako da ne raspolažemo informacijom koliko je bilo podnesenih zahtjeva.

Po okončanju postupka, Služba je imala obavezu da obavijesti 57 učenika srednjih škola koji su ostvarili pravo da dođu na potpisivanje ugovora.

Napomene radi, na dan 31.12.2018. godine iz oblasti dopunskih prava boraca i članova njihovih porodica nije bilo neriješenih predmeta.

REZIME:

TOKOM 2018. GODINE IZ OBLASTI DOPUNSKIH PRAVA BRANILACA I ČLANOVA NJIHOVIH PORODICA RIJEŠENA SU UKUPNO 882 PREDMETA.

IV. SREDSTVA KOJA SU PLANIRANA I REALIZOVANA IZ BUDŽETA OPĆINE LUKAVAC ZA OSTVARIVANJE PRAVA BRANILACA I ČLANOVA NJIHOVIH PORODICA TOKOM 2018. GODINE

ODJELJAK A. SREDSTVA ZA POMOĆ U LIJEČENJU BRANILACA I ČLANOVA NJIHOVIH PORODICA

U Budžetu općine Lukavac za 2018. godinu planirana su sredstva za pomoć u liječenju branilaca i članova njihovih porodica.

Procedura se provodi tako da boračke organizacije u ime svog članstva, sa pripremljenom dokumentacijom, podnesu zahtjev Službi koja nakon obrade predmeta donosi pojedinačne Odluke i iste upućuje Službi za budžet i finansije općine Lukavac na isplatu.

Ova sredstva su realizovana kako je to prikazano u slijedećoj tabeli:

Redni broj	Boračka kategorija	Broj korisnika	Novčani iznos u KM
1.	Porodice šehida-poginulih boraca	87	19.000,00
2.	Ratni vojni invalidi i članovi njihovih porodica	95	17.750,00
3.	Demobilisani borci i članovi njihovih porodica	89	20.750,00
	UKUPNO	271	57.500,00

ODJELJAK B. SREDSTVA ZA POMOĆ U RJEŠAVANJU STAMBENIH POTREBA BRANILACA I ČLANOVA NJIHOVIH PORODICA

U Budžetu općine Lukavac za 2018. godinu planirana su sredstva za pomoć u rješavanju stambenih potreba branilaca i članova njihovih porodica.

Procedura se provodi tako da boračke organizacije u ime svog članstva, sa pripremljenom dokumentacijom, podnesu zahtjev Službi koja nakon obrade predmeta donosi pojedinačne Odluke i iste upućuje Službi za budžet i finansije općine Lukavac na isplatu.

Ova sredstva su realizovana kako je to prikazano u slijedećoj tabeli:

Redni broj	Boračka kategorija	Broj korisnika	Novčani iznos u KM
1.	Porodice šehida-poginulih boraca	3	13.000,00
2.	Demobilisani borci i članovi njihovih porodica	16	48.128,00
	UKUPNO	19	61.128,61

ODJELJAK C. SREDSTVA KOJA SU REALIZOVANA IZ BUDŽETA OPĆINE LUKAVAC KAO NAKNADA ZA OSNOVNO OPĆINSKO OBEZBJEĐENJE

U Budžetu općine Lukavac su planirana i isplaćena sredstva za osnovno općinsko obezbjeđenje u ukupnom iznosu od 3.215,10 KM (izmirene su sve obaveze zaključno sa 31.12.2018. godine).

Ukupno su bila 3 korisnika osnovnog općinskog obezbjeđenja na dan 31.12.2018. godine.

ODJELJAK D. SREDSTVA KOJA SU REALIZOVANA IZ BUDŽETA OPĆINE KAO TRANŠE ZA RAD BORAČKIH ORGANIZACIJA

U Budžetu općine Lukavac planirana su sredstva – tranše za rad boračkih organizacija, tako da su tokom 2018. godine ove tranše redovno isplaćivane u iznosima, kako slijedi:

Redni broj	Naziv boračke organizacije/udruženja	Novčani iznos u KM
1.	ORVI „Sinovi Bosne“ Lukavac	21.000,00
2.	Organizacija porodica šehida-poginulih boraca Lukavac	21.000,00
3.	Organizacija demobilisanih boraca Lukavac	21.000,00
4.	Organizacija dobitnika najviših ratnih priznanja Lukavac	6.000,00
5.	Patriotska liga Lukavac	4.500,00
6.	Udruženje antifašista i boraca NOR-a Lukavac	4.500,00
7.	Udruženje veterana rata 212/222 Bosanska oslobodilačka brigada	4.500,00
8.	Udruženje veterana rata 92-95 godine liječenih od PTSP Lukavac	4.500,00
9.	Udruga dragovoljaca i veterana domovinskog rata HVO općine Lukavac	4.500,00

Ova sredstva su realizovana na osnovu Odluka koje su donesene za svaki mjesec prije isplate.

Za Organizaciju porodica šehida – poginulih boraca je u budžetu planiran i isplaćen iznos od 6.000,00 KM za nabavku paketa.

Za Organizaciju ratnih vojnih invalida u budžetu su planirana i realizovana sredstva u iznosu od 2.000,00 KM za obilježavanje dana invalida.

Za Organizaciju demobilisanih boraca u budžetu su planirana i realizovana sredstva u iznosu od 2.000,00 KM za obilježavanje dana ARBiH.

REZIME:

TOKOM 2018. GODINE REALIZIRAJUĆI SREDSTVA KOJA SU ZA POTREBE BRANILACA I ČLANOVA NJIHOVIH PORODICA PLANIRANA U BUDŽETU OPĆINE LUKAVAC SLUŽBA JE UKUPNO RIJEŠILA 376 PREDMETA.

U 2018. GODINI SLUŽBA JE IZ OBLASTI BORAČKO – INVALIDSKE ZAŠTITE RIJEŠILA UKUPNO 1496 PREDMETA.

PROCJENA JE DA JE ZA REALIZACIJU OSNOVNIH I DOPUNSKIH PRAVA BRANILACA I ČLANOVA NJIHOVIH PORODICA, KOJA SVOJA PRAVA OSTVARUJU PUTEM SLUŽBE ZA UPRAVU, DRUŠTVENE DJELATNOSTI, MLADE I BORAČKO – INVALIDSKU ZAŠTITU OPĆINE LUKAVAC, IZ FEDERALNOG, KANTONALNOG I OPĆINSKOG BUDŽETA, TOKOM 2018. GODINE IZDVOJENO OKO 7.000.000,00 KM.

Također, tokom 2018. godine sačinjavani su akti, razni izvještaji po raznim osnovama – ukupno 733, kao što su pozivi, upiti zdravstvenim ustanovama u vezi provjere medicinske dokumentacije, matičnim uredima, općinskim sudovima, odjeljenjima odbrane, razni izvještaji za potrebe nadležnih ministarstava itd.

Na kraju treba naglasiti da je Služba tokom 2018. godine imala izuzetno kvalitetnu saradnju sa većinom boračkih organizacija na području općine Lukavac.

Isto tako, Služba je tokom 2018. godine izdala 1850 uvjerenja i potvrda. Uvjerenja su izdavana za regulisanje pitanja koja se odnose na status korisnika boračko-invalidske zaštite, a potvrde za regulisanje pitanja kredita.

Obradivač:
POMOĆNIK OPĆINSKOG NAČELNIKA
Kasumović Emir, dipl. pravnik

OPĆINSKI NAČELNIK
Dr.sci. Edin Delić

D o s t a v i t i:

1. Općinsko vijeće,
2. Evidencija,
3. a/a.